

EW NAMCPUNG

Fan asengsin niwinin ira ren ekkewe public projects, ekkesiwini Itenap 19, me pwan ren ekkoch popun.

Epwe Pung me ren ewe Legislature-un Chuuk.

Tetten 1. Itenap 19 me non ewe Pukenapen Annukun Chuuk, iei a ekkesiwin ren an epwe kapacheta ew Sopun, itenapan epwe "Niwinin Ira", epwe iei usun ititin kapasas:

"Sopun 415

Niwinin Ira

Tetten:

415-1. Itenwochun

415-2. Kuna-an

415-3. Aweween Focos

415-4. Niwinin

415-5. Anenetataan

415-6. Tettenin Niwin

415-7. Aukukun Pochokun

415-8. Claim Eserwo Punguno

415-9. Monien Public Project

415-10. Tipisin

415-11. Mumutan Kaworen Monien Ier

Tetten 415-1. Itenwochun. Ei Sopun epwe iteni "Annukun Public Projects."

Tetten 415-2. Kuna-an. Ei napanap mei fis non ei fansoun ren tumunun niwinin ira mei tano seni angangen ekkewe public projects a men fakkun awosukosuk pwan minen noamw. Ei napanap mei murino an epwe ekkesiwin ren an epwe apachanong ekkewe choon angangen ei muu

---

non mwokutukutun me foffoun ei angang. Napanapen amwokutun ei angang lei a affatetiw non ei Annuk, chincon chok ika e pusin affatetiw me ren ei Annuk, epwene ataeno meinisin Annukun ei sakkun mei fis me mwan, rules me regulations mei for me kawor fan itan ei angangen kamoon niwinin ira.

Tetten 415-3. Awewen Foos.

(a) "Choon Claim", a wewe ngeni ioon aramas mei entaiten ngeni niwinin met an ira mei tano;

(b) "Tano", a wewe ngeni ira mei tano non och ika unusan meinisin usun an affatetiw me non ei Sopun;

(c) "Division", a wewe ngeni ewe Division of Land Management mei nomw non ewe Putaen Resources and Development;

(d) "Public Project", a wewe ngeni ekkewe project an Muun Trust Territory, Muun Merika, Muunapen Federated States of Micronesia, Muun Chuuk, ika Muun Fonu mei auchea an epwe katano fetaan aramas ira ren forutaar, mei pwan pachenong ekkewe project mei kawor seni ekkewe muu mei affat asan nge mei contract ngeni private business; me

(e) "Ira", a wewe ngeni ira mei uwa ika pwan metekewe sakkun ira mei kano fan pungun ei Sopun.

Tetten 415-4. Niwinin. Ion aramas minneka an ewe ira mei tano ren angangen ewe public project epwe entaiten ngeni niwinin ira mei tano fan pungun ei napanapen me aukukun niwin non ei Sopun.

Tetten 415-5. Annetetetaan. Esap wor och claim ren kamoon ira mei tano epwe kamou chincon chok ika ewe ira mei tano a annenetata non ei napanap mei affatetiw faan:

(a) atootun me planin ewe project epwe for epwe kawor ngeni ewe Division nefinen 30 ran me mwen poputaan ewe project, epwe affatatiw:

(i) napanapen ewe project, pwan pachenong planin me popun;

(ii) iteiten ira epwe katano, iten ira, minneka an ewe ira epwe ta, ukukun ierin ewe ira, me nenien ewe ira.

---

(b) murin an ewe Division a angei ewe plan, iwe emon chon chek seni ewe Division epwe asine ngeni ewe samon non ewe municipality e namw ie ewe project ren an epwe fiti ne nengeni ewe neni epwe for ie ewe project;

(c) ewe chon chek me ewe samon repwe wisen nengeni ewe neni epwe for ie ewe project ren an epwe fateno metewe mei nam non ewe Plan mei tori ewe Division ren ewe Project. Kapin ei taropwe epwe titino ngeni ewe samon, ekkewe aramas ar ira mei tano, ewe project director me ewe State Treasurer;

(d) fansoun an ewe project director a wes an angang ren ekkewe ira epwe katano, iwe epwe awora kapin noun repotun an angang ngeni ewe Division me ekkewe aramas ar kewe ira;

(e) ika pwe ewe project director ese esinei-ngeni ekkewe Division ika ewe soufonu usun an we angang ewe a fen wes, iwe ewe soufonu epwe esinei-ngeni ewe Division iwe ewe Division epwe chosani ewe claim nge ika a pwa pwe mei pung iwe ewe Division epwe awora repotun metekewe mei pung ngeni ewe Kepina;

(f) ewe Kepina epwe nam ren ewe pochokun ren anenetetaan claim mei katonong ngeni ewe Division. Esap wor claim epwe kamou ika pwe taropwen annetetan ewe claim me repotun ewe angang me repotun annetetan an a wesen fis ewe chek me ren ewe Division esemwo katonong ngeni ewe Kepina ren an epwe sainei; pwan

(g) fansoun an katonong ewe taropwen annetata seni Kepina ren ewe claim, mei pwan sain, iwe ewe State Treasurer epwe atou niwinin ewe claim ngeni ewe choon claim.

Tetten 415-6. Tettenin Niwinin.

(a) Ewe Kepina epwe fori ew tettenin niwinin ira ren met ira mei tano epwe kamo; me

(b) ika pwe ewe tetenin niwin epwe ekkesiwin me murin an katou taropwen annetetan ewe project mei affat non Tetten 415-5(c), ewe soufonu ren ewe ira epwe katano ika mei katano epwe tufich ngeni an epwe angei metewe niwinin mei watte mei mumuta.

---

Tetten 415-7. Annukun Pochokunan. Esap wor claim ren niwinin ira mei tano epwe katonong murin ruu ier seni ewe fansoun ekkewe ira ra katano. Meinsin claim ren niwinin ira mei fis me mwen 1981 epwe pwan annetasefan fan pungun rules me regulations epwe for me ren ewe Division, nge esap wor fan ew an epwe mang seni ew ier seni poputan pochokunan ei annuk. Meinsin claim ren niwinin ira mei katano me mwen 1981 epwe pinepinefochono tori feifeino ika pwe ese katonona ren an epwe anneneteta non ukukun nangatamen ew ier poputa seni pochokunan ei Annuk.

Tetten 415-8. Claim Esemwo Punguno. Ewe Division epwe wor ren ewe pochokun an epwe fori rules me regulations ren meinsin claims mei fis me mwen 1981, esemwo punguno.

Tetten 415-9. Monien Public Project. Iteiten met public projects epwe esenipato taanoon fetaan aramas irapwan kuu ei niwinin ira mei affat non ewe Sopun mei kawor monian me ren Legislature epwe eimu-weno ukukun unungat persent (3%) me non unusen monian-we ren an epwe kamo ngeni met ira mei tano ren ewe angang. Met nussun ewe moni mei kaimuno ren niwinin ira mei ta me non ewe monien public project epwe pwan nounou ngeni ewe project. Met esemwo wes kamoon me ren ewe moni mei kaimuno ren niwinin ira me non ewe monien project epwe pwan sopsop ika ammasou sefan me ren ewe State.

Tetten 415-10. Tipisin. Ika emon aramas a tipis ren an atai ew Tetten me non ei Annuk, ika fori och poraus mei mwaken ren taropwen claim ren ira mei tano, epwe paking won ukukun esap nap-seni \$1,000, ika kanopus non ukukun esap nangatam seni wonu(6) maram, ika ir me ruwoch.


Tetten 415-11. Mumutaan Kaworen Monien Ier. Iei a mumuta an epwe kawor monien iteiten ier seni ewe Monienapen Legislature ren fan asengesin ei Sopun".


Tetten 2. Kaworen Moni. Ukukun 50,000 iei a kawor seni ewe Monienapen ewe Legislature-un Chuuk ren fan asengesin ei Annuk.

Tetten 3. Ei moni mei kawor me ren Tetten 2, epwe no-ngeni ika einet ngeni ewe State Treasurer, ewe epwe wisen tumunu nouncun me mwokutukutun fan itan ewe Legislature ren an epwe fiti chok metawe mei affat me non Tetten 2 ren nouncun ewe moni.

Tetten 4. Ewe Treasurer epwe awora an repot 20 ran me murin soponon ewe fiscal year, epwe affatatiw nouncun ewe moni, pwan awora met anapanapen ukukun moni epwe kawor fan iten ewe program non ewe Fiscal Year epwe tapweto.

Tetten 5. Poputan Pochokunan. Ei Namopung epwe poputa pochokunan non October 1, 1981, ika a kapunguno me ren ewe Kepina, ika fanscun an a pusin winiti annuk, nge esemwo pwan chiwen kapunguno.

Sain seni:   
for Tadashi C. Wainit, Speaker  
Truk Legislature

Annetata:   
Datasi Albert  
Legislative Chief/Secretary  
Truk Legislature

Pwinin maram: 10/15/81

Kapunguno seni:   
Ephart Aten, Governor  
Truk State Government

Pwinin maram: November 3, 1981